



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Manuale Sodalitatis B. Mariae Virginis. siue Exercitium Spirituale Christianae Pietatis**

**Véron, François**

**Coloniae Agrippinae, 1505 [i. e. 1605]**

Orationes dicendæ in Congreg.

[urn:nbn:de:hbz:466:1-46577](https://nbn-resolving.org/urn:nbn:de:hbz:466:1-46577)

*Apostolica eas alibi consequendi; modò ea dicant, & faciant, quæ in gratijs à Papa concessis præscribuntur.*

*Operæpretium autem est, antequàm qui eas Indulgentias obtinere velit, excitet in se contritionem peccatorum suorum, eaque confiteri & pro ijs satisfacere proponat: si enim in gratia Dei non sit, non poterit esse earum Indulgentiarum particeps. Ideoque utiliter præmittet Confessionem Generalem, dicendo; Confiteor Deo omnipotenti, &c. Misereatur nostri omnipotens Deus, &c. Et absolutionem quoque Generalem; Indulgentiam, absolutionem, & remissionem omnium peccatorum nostrorum tribuat nobis omnipotens, & misericors Dominus, Amen. Tunc recitet orationes præscriptas in Bulla Pontificia.*

---

ORATIONES DICENDAE IN CONGREGATIONIBUS.

*Diui Ambros. Hymnus.*

**V**ENI creator Spiritus,  
Mentes tuorum visita;  
Imple superna gratia,  
Quæ tu creasti pectora.

Qui

Qui Paraclitus diceris,  
 Donum Dei altissimi,  
 Fons viuus, ignis, charitas,  
 Et spiritalis vñctio.

Tu septiformis munere,  
 Dextræ Dei tu digitus,  
 Tu ritè promissum Patris,  
 Sermonè ditans guttura.

Accende lumen sensibus,  
 Infunde amorem cordibus,  
 Infirma nostri corporis,  
 Virtute firmans perpeti.

Hostem repellas longiùs,  
 Pacemque dones protinùs,  
 Ductore sic te præuio,  
 Vitemus omne noxium.

Per te sciamus da Patrem,  
 Noscamus atque Filium,  
 Te vtriusque Spiritum  
 Credamus omni tempore.

Gloria Patri Domino,  
 Natoque, qui à mortuis  
 Surrexit, ac Paraclito,  
 In sæculorum sæcula, Amen.

*Vers.* Emitte Spiritum tuum & creabuntur.

*Resp.* Et renouabis faciem terræ.

## ORATIO.

**D**Eus, qui corda fidelium sancti Spiritus illustratione docuisti: da nobis in eodem Spiritu recta sapere, & de eius semper

per

per sancta consolatione gaudere. Per Dominum nostrum Iesum Christum filium tuum; Qui tecum viuit & regnat in unitate spiritus sancti Deus. Per omnia secula seculorum. Amen.

ANTIPHONAE DE B.  
Virgine Maria.

A DOMINICA PRIMA ADVENTUS vsq; ad Purificationem inclusiue.

**A**lma redemptoris mater, quæ per uia cœli  
Porta manes, & stella maris: succurre cadenti,

Surgere qui curat, populo; Tu quæ genuisti,  
Natura mirante, tuum sanctum genitorem.

Virgo prius ac posterius, Gabrielis ab ore  
Sumens illud Aue, peccatorum miserere.

*In aduentu Versus.*

Angelus Domini nunciauit Mariæ.

*Resp.* Et concepit de Spiritu sancto.

ORATIO.

**G**ratiam tuam, quæsumus Domine, mentibus nostris infunde: vt qui Angelo nunciante Christi filij tui incarnationem cognouimus, per passionem eius & crucem ad resurrectionis gloriam perducamus.

SODALITATIS.

97

eamur. Per eundem Christum Dominum  
nostrum. Amen.

*Post Natiuitatem Vers.*

Post partum virgo inuiolata permansisti.  
*Resp.* Dei genitrix intercede pro nobis.

ORATIO.

**D**eus, qui salutis æternæ beatæ Mariæ  
virginitate fecunda, humano generi  
præmia præstitisti: tribue quæsumus, vt  
ipsam pro nobis intercedere sentiamus,  
per quam meruimus auctorem vitæ susci-  
pere, Dominum nostrū Iesum Christum  
filium tuum, qui tecum viuunt & regnat in  
vnitate Spiritus sancti Deus, Per omnia sæ-  
cula sæculorum. Amen.

**A** PURIFICATIONE VSQVE  
*ad feriam quintam in Cœna Do-  
mini exclusiue.*

**A** Ve Regina cœlorum,  
Aue Domina Angelorum;  
Salve radix sancta,  
Ex qua mundo lux est orta.  
Gaude gloriosa,  
Super omnes speciosa;  
Vale valde decora,  
Et pro nobis semper Christum exora.

*Vers.*

*Vers.* Dignare me laudare te virgo sacra.

*Resp.* Da mihi virtutem contra hostes tuos,

*Oratio.*

**C**oncede misericors Deus fragilitati nostræ præsidium; vt qui sanctæ Dei genitricis memoriam agimus, intercessionis eius auxilio, à nostris iniquitatibus resurgamus. Per eundem Christum Dominum nostrum, Amen.

**TEMPOR E P A S C H A L I V S Q V E**  
*ad octauam Pentecost. exclusiue.*

**R**egina cœli lætare, alleluia.

Quia quem meruisti portare, alleluia.

Resurrexit, sicut dixit, alleluia.

Ora pro nobis Deum, alleluia.

*Vers.* Gaude, & lætare virgo Maria, alleluia.

*Resp.* Quia surrexit Dominus verè, alleluia,

*Oratio.*

**D**eus qui per resurrectionem Filij tui Domini nostri Iesu Christi familiam tuam lætificare dignatus es: præsta quæsumus, vt per eius genitricem virginem Mariam, perpetuæ capiamus gaudia vitæ. Per eundem Christum Dominum nostrum, Amen.

AB OCTAVA PENTECOSTES  
vsque ad Aduentum,  
exclusiue.

**S**alue regina, Mater misericordiae: Vita, dulcedo, & spes nostra salue. Ad te clamamus exules filij Euæ. Ad te suspiramus gementes, & flentes in hac lacrymarum valle. Eia ergo aduocata nostra, illos tuos misericordes oculos ad nos conuerte; Et Iesum benedictum, fructum ventris tui, nobis post hoc exilium ostende. O clemens, ô pia, ô dulcis virgo Maria.  
*Vers.* Ora pro nobis sancta Dei genitrix.  
*Resp.* Vt digni efficiamur promissionibus Christi.

*Oratio.*

**O**mnipotens sempiterne Deus, qui gloriosæ virginis matris Mariæ corpus & animam, vt dignum filij tui habitaculum effici mereretur, Spiritu sancto cooperante, præparasti: da, vt cuius commemoratione lætatur, eius pia intercessione ab instantibus malis, & à morte perpetua liberemur. Per eundem Christum Dominum nostrum. Amen.

H Y M-

MANUALE  
HYMNVS IN LAVDEM  
D. VIRGINIS.

**A** Ve maris stella,  
Dei mater alma,  
Atque semper virgo,

Felix cœli porta.

Sumens illud Aue,

Gabrielis ore,

Funda nos in pace,

Mutans nomen Euæ.

Solue vincla reis;

Profer lumen cæcis:

Mala nostra pelle,

Bona cuncta posce.

Monstra te esse matrem,

Sumat per te preces,

Qui pro nobis natus

Tulit esse tuus.

Virgo singularis,

Inter omnes mitis,

Nos culpis solutos,

Mites fac, & castos.

Vitam præsta purans,

Iter para tutum,

Vt videntes Iesum,

Semper collætetur.

Sit laus Deo Patri,

Summo Christo decus,

Spiritui sancto,

Trinus honor vnus, Amen.

Verj.

SODALITATIS. 31

*Vers.* Ora pro nobis sancta Dei genitrix.

*Resp.* Ut digni efficiamur promissionibus Christi.

ORATIO.

**D**efende quæsumus Domine, B. Maria semper virgine intercedente, istam ab omni aduersitate familiam, & toto corde tibi prostratam, ab hostium propitius tuere clemēter insidijs. Per Christum Dominum nostrum. Amen.

ORATIONES PRO DEFUNCTIS SODALIBVS.

PSALM. 50.

**M**iserere mei Deus: secundum magnam misericordiam tuam.

Et secundum multitudinem miserationum tuarum: dele iniquitatem meam.

Amplius laua me ab iniquitate mea: & à peccato meo munda me.

Quoniam iniquitatem meam ego cognosco: & peccatum meum contra me est semper.

Tibi soli peccaui, & malum coram te feci: vt iustificeris in sermonibus tuis, & vincas cum iudicaris.

Ecce enim in iniquitatibus conceptus sum: & in peccatis cōcepit me mater mea.

Ecce